

Universitätsbibliothek Paderborn

Dissertationes Juridico-Theologicæ De Jure, & Justitia

Karchne, Simon

Augustæ Vindelicorum ; [Graz], 1714

§. VI. De furtis levibus ab uno eidem factis.

urn:nbn:de:hbz:466:1-40013

§. VI.

De furtis levibus ab uno eidem factis.

293. **P**utrima minuta furta absque animo continuandi patrata pettin-
gentia ad quantitatem notabilem, si ad-
huc apud furem extent in se, aut æqui-
valenter, ut si exinde ditior evaserit,
hunc sub mortali ad restitutionem teneri,
est evidens. Quia jus in ea Dominus non
amisit, & sequitur ex damnata proposi-
tione proximè relata num. 292. in fin.

Dubium est: an dum furtum ultimo
completivum quantitatis notabilis sit cum
advertentia, quod compleat, peccet
mortaliter acceptio vel verò solā deten-
tione.

Secundò an dum res ablata non ex-
tet etiam æquivalenter, adhuc tamen fur-
habeat grave debitum restituendi, et si e-
tiam in ultimo furto non peccet morta-
liter?

Dico primò probabilius peccari mor-
taliter etiam per ipsam acceptioñem, Lu-
go Disp. 16. num. 38. contra Less. Lib. 2.
c. 12. n. 42. Navar. Toletum. Probatur:
tunc acceptio furtiva ultimo complectiva
cum advertentia ad complementum est
mortalis, quando fur advertit, quod hæc
acceptio graviter proximo noceat, sed in
casu preposito, et si priora furta nec in
se, nec æquivalenter extent, fur adver-
tit quod acceptio complectiva quantitatis
notabilis proximo graviter noceat; sicut
die jejunij in ultima comedione modica

cum advertentia, quod hæc cum pluribus
præcedentibus modicis compleat materiam
gravem peccatur mortaliter contra præ-
ceptum jejunandi.

294. Dico secundò et si fur adver-
tat, quod per præterita furtæ minute gravi-
ter nocuerit proximo, si nullum eorum
factum sit cum advertentia ad materia gravi-
tatem, seu ad grave illatum damnum,
probabilius est cessare obligationem mor-
talem restituendi, ita Granado 1. 2. Con-
trov. 6. tract. 2. Disput. 2. n. 49. cum
multis, quibus favet aperte Lessius C. 7.
n. 27, contra Sanch. L. I. moral. c. 4. n. 16.
Laym. Lib. 3. tract. 3. p. 1. c. 6. n. 4. Han-
nold. tract. 2. n. 198. Lugo n. 68. Carden.
ad propositionem Innocentij Diffr. 23.
& n. 88. existimantem nostram senten-
tiā damnari per relatam propositionem
38. in fin. num. 292.

Probatur: si esset obligatio gravis
restituendi, ea oriretur vel ex re accepta,
vel ex injusta acceptioñe, vel ex gravi il-
lato danno; non primum: quia res ac-
cepta nec in se, nec in æquivalenti exi-
stit, sed perit sine extante lucro furis;
non secundum: quia nulla acceptio est
mortalis, sed singulæ sunt veniales, er-
go collectis omnium non potest fundare
obligationem mortalem restituendi, hæc
enim nequit radicari in ipsa culpa totius
collectionis acceptioñum venialium, ut
pote

pote veniali, obligatio autem mortalis restituendi nequit radicari in culpa levi, alias foret major sua radice: non etiam in damno illato gravi: quia hoc secundum se non fundat obligationem ullam restituendi, ergo nec fundare potest gravem, quando intervenit culpa solum levis, nisi res ablatæ formaliter vel æquivalenter extet.

Ex his apparet immerito sensisse Cardenas suam sententiam ex principijs intrinsecis esse certam, nostram vero certò falsam, & damnatam: non enim est formaliter damnata, quia nostra propositio est particularis, & restricta ad furem immemorem inferri grave damnum, damnata vero est universalis: hæc enim propositio, non tenetur quis sub pena peccati mortalis, &c. æquivalet huic; nullus tenetur, &c. non etiam damnatur virtualiter: quia tunc etiam per Cardenas propositio aliqua damnatur virtualiter in alia formaliter damnata, quando illa est antecedens, ex quo formaliter damnata legitimè inferatur, sed ex nostra assertione restricta nequit legitimè inferri universalis damnata, uti est evidens. Quare ut universalis damnata censeatur, satis est, quod illa aliquando falsificetur, falsificatur autem sufficienter, si contradictoria verificetur, prout verificatur etiam stante nostrâ sententiâ, nam etiam secundum nos est verissima hæc propositio: aliquis, seu aliquando quis sub mortali peccato tenetur restituere, tenetur ablatum per parva furtæ: Et quidem id verificatur primo, quando furtæ fiunt animo continuandi ad magnam quantitatem. Secundò quando advertitur in ultimo furto compleri grave damnum. Ter-

tio quando res ablatæ leves extant in se, vel æquivalenter.

295. Dices quævis culpa venialis obligat ad restitutionem, ergo etiam ultima ex præcedentibus obligat ad totam materiam & quidem sub mortali post advertentiam ad grave illatum damnum: plures enim leves obligationes ejusdem Ordinis fundant obligationem gravem: sic qui credito accipit panem unius Pazij per dies 20 singulis acceptationibus contrahit levem obligationem, & tamen ex illis omniibus oritur obligatio gravis restituendi, dato quod 20. Pazij sint materia gravis. Idem pater in pluribus levibus promissionibus factis in favorem tertij ab eodem acceptatis, supposito quod promissio simplex acceptata obliget ex justitia. Tertiò id ipsum suadent vota indies orationem Angelicam per quinquaginta dies repetita, quando dies non est terminus obligationis, sed executionis, quo casu vovens incurrit quinquaginta obligationes leves, ex quibus resultat obligatio gravis orandi 50. orationes Angelicas si diebus 50. transactis vota hæc non implavit, quia materia secundum se levis singularum promissionum reiteratione succrescit, atque etiam in casu nostro damnum singulorum furtorum leve succrescit reiteratione, & fit tandem grave.

Respondeo concedo antecedens distinguo consequens ultima cum præcedentibus obligat ad totam materiam, si sensus sit quod ex ultima, & præcedentibus fiat collectio continens omnes veniales acceptiones, quarum singulæ obligent ad restitutionem suæ materiæ concedo consequiam, si sensus sit, quod detur aliqua singularis acceptio obligans ad totam

Pp

tam materiam restituendam nego consequiam nulla siquidem obligat ad restituendam ablatam per alia furtam materiam; Nego autem secundam partem consequentis, quam non probat gravitas illati damni, ut ostendo à pari, dum grave damnum illatum est cum culpa veniali ex imperfectione actus talis, quo casu etiam per adversarios non est obligatio gravis restituendi, ergo nec dum culpa venialis est deliberata. Ad probationem hujus secunda partis nego quod plures leves obligationes fundent gravem obligationem restitutionis (quia hæc obligatio gravis supponit aut gravem formaliter injustam juris lesionem, aut extantiam materiae notabilis) sed alterius rationis, nempe fundatam in contractu, & hoc ad summum evincunt tres instantiae, quarum prima loquitur de contractu emptionis, secunda & tertia de contractu promissionis, unde in his gravitas obligationis non oritur ex pluribus levibus ut talibus, sed ex contrahentis & promittentis intentione, in qua res plures leves debitæ in casu primo aut res leves promissæ, ut in secundo, & tertio casu extent de praesenti moraliter unitæ: solutio enim debiti in primo in reliquis solutio promissi retinetur; econtra res furtivæ leves nullatenus existunt in se, aut in æquivalenti, aut in contractu, vigore cuius fuit intenderit se graviter obligare ex hypothesi gravis illati damni etiam materialiter sumpti, contra plures Adversarios, de quibus mox patebit quid sentiant.

Ex Adversariis Lugo *Disput.* 16. num. 69. Haunold, *tratt.* 2. num. 208. Esparza *quest.* 32. ab Art. 8. fingunt, quod supposita voluntate furandi sit essentialiter annexa tacite voluntas resti-

tuendi damnum illud voluntarium, & supposito secundo furto adsit obligatio reparandi damnum non modo illatum per hoc secundum furtum, sed etiam per prium, & sic deinceps, idcirco semper pro gravitate damni crescit gravitas obligationis. Hanc autem tacitam restituendi conventionem probant ex universali voluntate propriæ felicitatis, hæc autem exigit omnia ad vitam socialem necessaria, inter quæ est pax mutua, & offensionem ablatio praesertim ex injurijs provenientium.

Contra est primo, vel supposito furto voluntas illa est libera vel non, si libera, ergo fuit potest omittere talum reparandi animum, & sic ruit totum argumentum: si est necessaria hujus tam infallibilis obligationis nullum est fundamentum.

Contra est secundo ad summum probatur voluntas annexa generalis exequendi graviter necessaria ad vitam socialem, & salutem æternam, reparatio autem illati damni gravis per furtam minuta, nec in se, nec æquivalenter extantia sive advertentia ad gravitatem damni non est graviter necessaria nec est aliqua conventione inter furem & Dominum, ut damnum reparetur.

Infertur probabilius esse quod furtum minutum factum novum post aliud antecedens cum advertentia, quod compleat materiam gravem non sit mortale, Molin. *Disput.* 668. contra Lugo à n. 43. quia non complet in esse materiae gravis, sed prius completam leviter auget perinde, ac furtum leve supponens furtum simultaneum materiae gravis, hoc non compleat, sed auger leviter, alias omnia sequentia furtiva levia forent mortalia.

S. VII'